



07222

施愚山先生學餘詩集卷之四十九

七言絕

示彥恪

莫爲吟詩漫損神苦吟多費百年身  
藏書萬卷應難破  
肯許空留與後人

寄哭偉長

吾宗耆舊數髯翁倚劍長歌痛飲中  
草綠孤墳誰酌酒  
哀猿落日哭春風

過標紙廟弔張公果

公嘗夢神語以寧郡將漂沒  
卽抱民籍入水死城得不陷

民哀之作標紙廟事見郡志

腸斷東流去不回獨徇河伯萬人哀  
江城無恙祠碑沒

愚山先生詩集卷四十九 七言絕

誰薦荒墳酒一杯

敬亭閔雲菴側尋虎窺泉

一泓雪乳涌何年虎窟看碑事始傳  
箬帽山前開白社

玉蘭花下濯清泉

中秋夜深得好月

酒罷雲開夜未殘澄江高閣一凭欄  
去年此夕蓮峰坐


三十六峰清影寒

金陵寄酬沈康臣舍人

雨花臺畔日銜杯朔雪南雲首重回  
誰料鳳皇池上客

雙魚珍重蒔門來

長安折柳髯將絲脫帽高歌又幾時  
謝朓敬亭感寂寞





休文那得一留詩

來詩以未登  
敬亭爲憾

病嬾追歡阻白門  
青谿時有舊題存  
當年揚馬風流散

腸斷金臺月夜樽

沈先是久  
客白門

巖松徑竹好禁秋  
人事年華逐水流  
老矣長饒真采藥

青山容我白頭遊

歸舟

葉落風高水樹疎  
扁舟雪裏饒江魚  
家人問我歸何得

一帙新詩數卷書

唐子菴和壁間絕句

迴岡徑滑青藤雨  
古寺山寒白晝燈  
夜靜好誰池上坐

月明長照定中僧

愚山先生詩集

卷四十九

七言絕

二

郝元公自錫山至戲乞惠泉

久負梁谿李子招

謂吳伯  
成明府

靈泉入夢九峰遙  
載來肯療

文園渴差抵龍山  
飲一瓢

不用梅花瀉玉壺  
清泉一勺勝醍醐  
憑將綠雪分明試

果壓東谿句水無

聞新安被兵寄吳驚遠

重嶺差同蜀道難  
山城多壘太無端  
練江親友烽烟裏

那得平安一字看

劉仲復故居

醉吟泉路興何如  
積雨寒山萬木疎  
草閣片雲終不散

南陽高士舊藏書

貽上濟南書至得鹽亭見懷及使蜀諸詩

劒閣仙雲接使星雲谿懷舊淚先零殘燈雨夜千回讀  
蜀客書來歷下亭

二

往日篇章清似水年來才力重如山浣花谿畔詩魂在  
應爲新題一破顏

三

飛棧重闕百戰場錦江巫峽樹蒼蒼難禁十二峰前望  
那待猿啼始斷腸

附貽上鹽亭見懷詩  
嵩嶽新詩見典刑舊遊回首  
嘆晨星雲溪花映泠泠水獨向鹽亭望嶺亭

方帝卜餉海魚

愚山先生詩集卷四十九 七言絕

三

東遊滄海怪歸遲海錯將書一解頤却憶金盤曾飽啖  
蓬萊閣上看潮時

余生生還吳門客舍自言爲梅花作主人酒間得

三絕

市上何人識故侯青鞋皂帽稱心遊相逢頭白留詩別  
細雨孤帆下虎丘

邇歸見說爲梅花鄧尉風光滿眼誇我夢相隨便東去  
一天花壓帽簷斜

花時歸客怕花殘烽火漫漫道路難斷送春風多少恨  
憑誰留寄一枝看

題畫松寄徐善長翰林



迴枝拂地鬱千盤彷彿慈仁寺裏看倚樹獨吟何處客  
半空風雨碧山寒

花前荅客

乙卯春家園牡丹盛開日日觴客  
客謝曰花累主人矣笑而荅之

年年觴客爲花忙袞袞連朝復共觴回想亂離今好在  
黃金費盡儘相當

每出看花到夕暉作花都護怯花飛闌前倚醉深深酌  
陌上行歌緩緩歸

西樂菴看牡丹題壁

蘭若深穿藥檻邊好花開過落花天遠公結社餘清興  
明歲鑿池看白蓮

自春歸臺臨眺至城南看並蒂牡丹

愚山先生詩集

卷四十九

七言絕

四

高下人家住翠微青青草色上人衣春歸臺畔春光在  
造次何煩柳絮飛

山家野寺看花回深巷花驚並蒂開側疊春風開不盡  
好誰徐把合歡杯

漆樹歎

斫取凝脂似淚珠青柯纔好葉先枯一生膏血供人盡  
涓滴還留自潤無

發牛渚

萬樹松聲五月秋三山磯畔幾回愁長江解念孤舟客  
肯送南風下石頭

初值黃仙裳

白門相見鬢俱霜此夕悲歌共此觴記得故人腸斷語  
每因詩卷說仙裳

顧與治詩多散逸數言仙裳處有抄本

不共狂歌狎海鷗茫茫滿眼歎橫流尊前又是傷離處  
明日長江送客舟

同蛟門夜讀王西樵年譜

風流歷歷見平生文酒招尋憶帝城同是瑯琊舊游好  
白門相對淚雙傾

二陸才名更數誰雁行中斷不勝悲燈前病客餘慚恨

舊約猶逋有道碑

阮亭以西樵年譜屬爲墓表故云

江浦城西十里有泉出亭下問之無名戲得口號

孤亭留客亂山邊下有泉流清可憐地近竹蘭人不識

愚山先生詩集

卷四十九

七言絕

五

祇應喚汝竹蘭泉

秋林讀易圖成自贈

長吟多病愛崖扉五十平頭早息機努力韋編真悔晚  
不知林外亂雲飛

題蔡鉉升近詩

蔡盛年世曾有秦淮春望諸詩頗極感寓

殘柳依然繫畫船六朝舊恨夕陽邊傷心莫謂須頭白  
痛哭長沙本少年

題春山雪霽圖有感

千尋飛瀑下雲端江色遙憐樹影寒好處家山渾在眼  
會須歸去倚樓看

題畫



老懶何心汎五湖山根時繫釣船孤白雲忽向前溪過  
屋角青山半有無

周雪客戴笠圖

兩世風流洛下聞軒軒意氣直干雲青松碧礪吾儕事  
笠子如何肯讓君

西山卽事

山上桃園山下田花時雨後瀉紅泉田家近日生涯改  
半割平岡學種烟

汪鈍菴戶部杜門山居見貽二詩兼索敬亭綠雪  
十載離居白髮新偶來不及虎丘春堯峰書到添惆悵  
何處空山覓此人

愚山先生詩集

卷四十九 七言絕

六

正是長松散髮天自携茶就惠山泉囊餘一片龍團在  
石鼎應煩桑苧煎

虎丘偶題

虎丘茶試蓑衣餅雀舫人爭餽飽菱欲待秋風問鱸膾  
五湖烟月弄漁聲

埋劍空餘霸氣存綺羅絲管四時喧傷心偏問真娘墓  
不醉吳王酒一尊

題怪石圖

米老驚呼入袖難嶙峋尺幅迴生寒丈夫磊塊胸中足  
五嶽擎來掌上看

塔影園尋顧云美不值

大好池亭傍草堂依稀塔影在中央扁舟相就不相見  
蓮葉風多吹客裳

袁重其負母看花圖

負米辛勤淚滿襟娛親孺慕老尤深祗今五月花開日  
猶見三春寸草心

七十二峰閣

湖面憑闌六月寒衆山如鶩水漫漫何當縹緲峰頭坐  
盡攬芙蓉杖底看

蔡右宣汪覲臣諸子追送至虎丘毛大可張南士  
董無休卽席有詩贈別

華燈綺席玉爲缸宿鶯眠鷗他自雙忽聽驅歌聲未斷

愚山先生詩集

卷四十九

七言絕

七

一時秋思滿吳江

滿坐詞人酒滿卮虎丘執手問前期河橋誰見銷魂處  
夜半月斜山寺時

舟中寄謝吳無錫

吳隱家風官自貧苦心爲客不謀身却慚安邑殷勤甚  
仲叔當年恐笑人

嘉樹堂前折柳枝二泉亭畔倒金卮峴山叔子風流在  
猶讓當筵對客詩

金陵買屋事仍艱作客還山總未閑長憶延川眷僑胥  
草堂好置九峰間

把臂相看好入林殘樽向夕恨分襟舟回百甕清泉在



照見延陵一寸心

時餉予  
惠山泉

書毘陵龍興寺壁

唐荆川羅念菴兩  
先生曾講學於此

龍沙精舍水雲隈  
長夏松陰晝不開  
傳說兩賢畱講席  
百年惆悵一人來

晤姜子翥

十年湖海問元龍  
一夕同聽水寺鐘  
莫恨來朝卽離別  
爭如白首不相逢

公湛言處士方嘉徵義甚高率題奉簡

湖陰見說有方干  
數就姑山問講壇  
耆舊只今搖落盡  
何年執手一相看

梅八丈貽詩索綠雪一笑荅之

愚山先生詩集

卷四十九

七言絕

八

清泠漫擬雪爲漿  
倚客題詩占一方  
消渴年來同病在  
松風石鼎好親嘗

吳孟舉新買名園曰黃葉村莊作種菜詩索和戲

柬

葉滿村莊酒滿尊  
便便腹筒舌難捫  
紫螿黃雀饒鄉味  
肯把黃螿嚼幾根

嘗新小摘一開尊  
徑滑垂藤尚可捫  
飽噉無人爭坐位  
石邊閒却老松根

夢題敬亭山亭子覺來僅憶得起句爲續成之

敬亭山半好山亭  
幾曲丹梯上杳冥  
野客閒雲相伴住  
舉頭天際一峰青

額珠樓

樓踞敬亭高處舊  
令陳侯剛長所構

雲中飛閣太崢嶸  
鑿破青天意未平  
憑仗山靈畱好在  
風流長說舊宣城

兩水孤城掌上分  
憑闌帝座語堪聞  
何人呼得青蓮出  
一片寒山空白雲

題王生望雲圖

幾人真廢蓼莪篇  
畫卷携來一惘然  
我有平生無限淚  
掉頭愁向白雲邊

飲鄭扶九宅

碧雲紅樹倚堦生  
谷口山堂繫舊情  
二十年前花下酒  
白頭相見又同傾

愚山先生詩集

卷四十九

七言絕

九

度新嶺口號

半天虛白度嶙峋  
巖穴僧閑起未曾  
昨夜人間聞細雨  
山頭積雪已成冰

宿將軍廟有懷隱龍方氏諸舊游

夜抵梅谿路不分  
故人咫尺悵離羣  
欲知相憶成何許  
十里青山萬疊雲

題大安寺舊寓僧舍

廿年前宿贊公房  
半壁題殘字幾行  
底事重來逃處所  
含情物色舊繩牀

小喬墓

白雉臺東古寺前  
小喬墓在土人傳  
春心不死餘楊柳



舞盡春風起暮烟

池陽至皖口漫興絕句

寒蘆帶水作冰花  
木落空江一雁斜  
南發青溪浪如屋  
可知地近長風沙

秋浦誰聞猿夜愁  
錦袍仙客舊淹留  
清溪解惜狂歌處  
縱近長江不肯流

誰遣樓船下石頭  
幾番烽火照江流  
興亡來去如潮汐  
恨殺無情是白鷗

舟人誰辨皖公山  
巉削遙看暮靄間  
好買鱸魚送斗酒  
一釣新月到江灣

書石埭姚六康明府紙尾

愚山先生詩集

卷四十九

七言絕

十

孤帆一宿清谿口  
客夢頻飛黃鶴池  
憑寄魚書亂心曲  
千行書不盡相思

真嫌老嬾愛離羣  
風義何人復似君  
兩處陵陽山不遠  
川塗偏恨皖江分

宣城石埭各  
有陵陽山

卽事漫興

宛陵春漲抱城流  
無數桃花笑獨愁  
誰送香膠如竹葉  
烹鮮小酌試蒿頭

小魚可二寸極  
肥美俗稱蒿頭

書雒城張羽士壁

曲闌小几自茅亭  
坐對藤蘿覆壁青  
除却看山無箇事  
茶烹廟芥讀黃庭

梅雨翻盆暑閣涼  
桃笙睡美接羲皇  
若溪一夜添新漲

爲問扁舟傍故鄉

蔣蒼舒出佳紙爲書二絕

蔣畫人物

園開三徑舊爭傳  
跋扈論才正  
壯年底事丹青憑遺興  
草堂元向畫溪邊

聞道龍眠貌大蘇  
眼前人物似君無  
看予斑髯慚能手  
好畫柴桑漉酒圖

合溪值雨宿僧舍

萬壑飛泉此合流  
繫舟一夜雨聲秋  
前生莫是僧樓客  
贏得孤眠最上頭

洞芥以朱氏擅名吳下謂之朱茶

官符少得金泉水  
地主難求廟後茶  
製作丁姚皆好手

愚山先生詩集

卷四十九

七言絕

士

風流底事獨朱家

金沙泉距縣三十里隸人多取城外紫金橋下水代之又廟後茶園爲丁

姚二姓舊業

隱龍山中曉望得句

龍山曲曲畱山客  
昨夜龍吟山石裂  
西峰雨過雲不飛  
木末秋看半天雪

青風嶺弔王貞婦

青松半嶺石巉峿  
古廟舟人指點看  
欲弔懸崖題字處  
布帆吹斷北風寒

台郡遇汪翁者吾鄉涇人也贈一絕句

一官畱滯竟浮家  
海國烟霜兩髻華  
夢到桃花潭上水  
可能長愛赤城霞



謝公嶺

相傳康樂人山處舊有落屐亭

礪由斤竹舊題詩過嶺停傳屐屐時誰道謝公身未到  
天畱雁蕩少人知

宿羅漢寺

武夷山中近大龍湫

重林暮色隱巖扉客到鐘聲出翠微不識龍湫何處所  
坐中飛雨濕人衣

別傅傑先文學

多君風義眼中稀飽共看山到海歸日暮甌江分客路  
不知何事一沾衣

誓節渡悼逆旅主人王翁

始翁餉予粟問故日記十年前公飯此見案頭  
愚山先生詩集卷四十九

七言絕

七

有餘粒手取食之知公盛德人也予笑曰翁乃  
記予細事頃予自浙回而翁已死其子言翁嘗  
念我天寒未歸蓋數日前語云

歎息蒼頭舊主人無端畱眼太情親重來繫馬不相見  
昨日猶傳念我頻

武陵苔戴帖瞻同門送別口號

倦游終歲半離家坐語尊前日又斜謝李才名成底事  
相看青髻各霜華

題畫

蒼崖壁立雨初收松際泉飛匹練秋老眼青山看不足  
杖藜何日到峰頭

荅吳松之書附一絕

素書消息動經年又折梅花倩客傳  
憑語春江過笠澤詩瓢好付阿誰邊

姑江口號

滿天飛雪片帆來載得春風幾許迴  
莫向青山問冷暖梅花江上一時開

涼織橋戲題

飛蓋何人谷口行山梁片石借爲名  
題橋錯把相如笑此物從來屬世情

春雨至夏不已

橫塘流水漫東西卧擁殘書嬾杖藜  
不住雨聲春早去

愚山先生詩集

卷四十九

七言絕

三

教人何處覓鶯啼

亡友梅杓司嘗浮家白門生子南爲今善畫作詩

與之

響山宿草痛多時玉樹亭亭又一枝  
年少丹青看爛熳

風流何減阿翁詩

杓可舊家響山

青箱零落倦論文老蚌生珠自由羣  
莫是故鄉情太劇

扇頭長畫敬亭雲

朗二詩畫舊聲名二妙瞿山又雪坪  
添汝不妨成後勁

梅化樹樹照江城

王弇州有不及梅家樹樹花之句

到來斗酒共招携生長秦淮家宛谿  
舊業荒蕪歸好住

雙羊南畔釣臺西



偶寓秦淮卽事

碧水如何不種蓮，曲闌涼近白鷗天。故人知我吟還渴，

雲液分來第二泉。

金使君見遺惠泉四甕

秦淮清淺暗通潮，夜市疎燈見畫橋。水榭風多眠復醒，  
隔溪深柳聽吹簫。

題彭爰琴抱膝圖

疎桐幾樹碧雲重，除却詩篇萬事慵。欲識高歌小天下，

千言飛落丈人峰。

君登岱宗長篇凡數千言

卧龍應復是前身，長嘯重看抱膝人。同被徵書君獨卧，  
倘容江漢共垂綸。

愚山先生詩集

卷四十九

七言絕

古

施愚山先生學餘詩集卷之四十九終

施愚山先生學餘詩集卷之五十

七言絕

北征口號

筐筥縱橫黍麥陳  
喧闐物色片時新  
君看江北行千里  
野市初逢趁集人

又

茅店從無酒一杯  
炎風刮面總黃埃  
連檣正送兵船過  
動地還看御馬來

時發數千騎征南謂之御馬

又

平原彌望絕孤村  
疊奏開荒慰至尊  
猶剩蕪田千萬頃  
好誰報懇荷殊恩

愚山先生詩集

卷五十一

七言絕

又

歌風臺近起悲風  
劉項雌雄茂草中  
駐馬日斜餐豆粥  
幾家殘店說新豐

又

腰弓箠矢騎如雲  
膽落行人傍夕曛  
見說年來鳴鏑少  
健兒強半去從軍

又

河決年荒處處愁  
買魚沽酒問徐州  
題詩白傅多情甚  
留得春風燕子樓

又

黃河北去好山稀  
路傍龜鳧見翠微  
最是峰峰經雨後



芙蓉洗出白雲飛

又

明湖畫舫濯塵纓  
依舊荷花照水清  
正值鹿鳴秋薦近  
白頭重接魯諸生

又

日夜蟲聲不宵休  
干戈衰疾并含愁  
老夫宦興秋雲薄  
不分飛蓬愛遠遊

又

夏歌雲漢又秋霖  
路改高原攬轡尋  
斜日暗飛高樹下  
暮蟬衝過馬頭吟

又

愚山先生詩集

卷五十一

七言絕

二

積雨嚴飈帶雪珠  
誰知七月粟生膚  
故園橘柚霜還未  
此夜江南寒到無

時七月廿七日  
景州飛霰

又

虎符羽檄騎如龍  
萬里軍儲五載供  
安得長蛇齊掃穴  
普天高枕罷邊烽

憶舍弟阮

我行汝病淚雙流  
腸斷高堂更白頭  
今日平安誰問取  
南憑一雁爲銜愁

和姬人珠淵寄小鏡

白頭相許伴青山  
天意驅人不放閒  
寄到菱花將錦字  
斷腸獨自照離顏

附姬人詩 六月扁舟別故山勞旅况幾時劇傷  
心不似匣中鏡千里依依伴客顏

### 爲陳子萬題像

家世元龍氣未除絃歌小試興蕭疎十腰銀艾渾閒事

一箇蒲團半卷書

### 寄哭吳自明

別君分手憶河梁幾日俄驚老友亾萬種夜臺腸斷處

慈親八十未稱觴

君歿時距母太君  
八十初度僅兩月

書法從來號絕倫文章磨切苦相親劉郎歿後

謂潤延

州去同學凋殘復幾人

詩篇海岱記相於索我重書約尚逋

君嘗命重書山  
左奉贈詩未報

日隴頭雖挂劍不知能到冢中無

愚山先生詩集

卷五十七言絕

三

東溪溪畔玉山頭百遍相過把臂遊從此溪山雙淚眼

月明無伴水空流

### 戲柬對巖索空餅貯藥酒

把醞看花眼自青新成菊酒製顏齡白衣敢望重來送

莫惜龍山雙玉餅

### 戲和阮懷悲髮白

兩人同病漫須悲耐老相看到鬢緣纔被微書幾零落

可知應羨白頭時

時被名百餘  
人歿者已四人

### 移寓卽事四首

新移客脚面朝陽容膝攤書卽草堂向夕疎簾從半捲

好教明月到匡牀



書聲不敵市聲喧恨少蓬蒿且閉門此地棲遲曾宋玉  
蘇牆零落舊題痕

宋牧仲舊寓處

葡萄霜際葉蕭森物色兼催遲暮心好處爭誇在三伏  
桃笙烏几綠陰深

年侵出處自嫌身望遠間關入夢頻嶺樹江雲秋未冷  
鷓鴣聲裏獨吟人

題嚴存菴學士小像

新詩一卷盡驚人奪錦宮袍早致身挾瑟妖姬書滿屋  
可容重占五湖春

塵中何許得開顏鹿柴花林好是閑誰解客星成大隱  
芙蓉闕下見青山

愚山先生詩集

卷五十七言絕

四

燈夕同諸公月下口號

令節良宵草草過天街燈少看人多論文結伴渾無賴  
占盡風流踏月歌

聯臂誰聽玉漏催前門紅袖摸釘回太平鼓靜鼇山暗  
錦勒香車不斷來

燈市常年靈佑宮今年燈市散春風 聖朝罷却天魔  
舞烽火休教照夜紅

秧歌椎擊惹閨愁亂簇兒童戲未休見說尋常歌舞競  
大頭和尚滿街遊

都下見童競唱秧歌擊椎相應又扮大頭和尚爲戲

繁華勝事恨難論一架華燈五百緡不是祝融先奪取

黃金買去向誰門

先夕一燈被火嘗索價五百緡

爲朱守亭題秋山獨坐圖

射陽湖畔多才子，况復趙宗有鳳毛。見說文辭滿京洛，臯比坐擁且揮毫。

箕踞深林復幾人，秋山紅樹倍還春。東風又到不歸去，夢裏滄江生白蘋。

山中喜遇朱錫鬯，嚴蓀友姜西溟秦畱仙諸游好。花林深翠月初明，無限春山獨夜情。聯騎相逢成一笑，西峰絕壁共題名。

磧底花

山行賜鳩欲鳴時，磧塢餘花少客知。莫是怕春歸去早，殷勤畱蕊獨開遲。

愚山先生詩集

卷五十

七言絕

五

潭柘歸途重經戒壇山下得口號

騁興峰頭復水隈，雲深路轉騎重回。山家兒女相看笑，昨日尋山客又來。

同耦長有懷蔡九霞葉九來陳其年諸子

臥龍岡外挂斜曛，谷口花飛細路分。遙憶渾河東畔客，湖臨裂帛萬條雲。

和葉九來憶鶴

羈棲莫遣報春殘，無那鄉心到藥欄。遙愧故山林下鶴，相思清夜數聲寒。

駱令君小照

名襄雷號雷菴別號龍媒浙  
鹽官人丁未進士江都令

抱膝科頭豈世情，蕪城賦就舊知名。憑君畱得心如水。



應照邗江徹底清

陂陀芳草綠侵衣  
坐看晴雲拂面飛  
夢在青山身赤紱  
不妨廳事當漁磯

宗定九屬題李叔則畫

垂垂老樹傍江干  
數點疎花照水寒  
似怪春風不相識  
幾人畱眼雪中看

王侍讀以詩索耦長畫扇兼屬和

有只寫澄江與北樓之句

鄉心嘗夢舊溪游  
朔雁南飛又早秋  
縱寫敬亭團扇上  
何如高臥謝公樓

走筆促嚴孫友檢討作畫

秃筆滄洲興杳冥  
涼風客館又泠泠  
惟君最共看山癖  
愚山先生詩集

卷五十一 七言絕

六

寫出龍山幾點青

尚署梁溪老布衣  
塵中冠蓋似君稀  
迂疎且作倪高士  
不爲丹青論是非

題楓江漁父圖爲徐電發檢討

秋雲漠漠水漫漫  
一色芙蓉十里寬  
不向長安饑索米  
那知回首羨魚竿

才調東吳數菊莊  
騷歌漁父興偏長  
孤舟訝許疎狂甚  
家在虹亭鱸膾鄉

邵子湘重過言別因宿寓齋得二絕

臨發停車復幾回  
後期懷抱好誰開  
連朝陰雨重陽過  
恨失青山黃菊杯

策騎明朝海畔行重來襍被話離情懸知此去三山迥  
少我三人共月明

尤悔菴檢討以家在江南楊柳村作二鬮句屬耦  
長畫幸爾用韻綴卷後

家在江南楊柳村芰荷匝水復蘿軒白頭共是羈棲客  
怕聽尊前說故園

家在江南楊柳村霜林滿眼動歸魂扁舟繫處茆堂近  
笑指臨磯舊竹門

和張荀仲先生在哭家叔父四首

嗚咽親書墮淚辭淚痕直徹九泉知回思在日難分手  
百遍躊躇別去遲

愚山先生詩集

卷五十

七言絕

七

傷心不忍復登樓舊日殘詩壁上畱扶病白頭擦慟絕  
敬亭雲樹一時秋

何限交情共素襟歿生辛苦范張心似聞欵欵遺音在  
重向樓前月下尋

生憎鑑水隔江南老去離屋總不甘千里龍鍾還挂劍  
延陵義重幾人慚

再題王山長小像

坐客無鹽未厭貧紉蘭佩葢楚靈均捫胸五岳難平却  
閒弄焦桐不語人

詞賦丹青總緒餘便便二酉腹中書平津賓客今時盛  
不信難容一仲舒



見彭羨門同年懷舊居三絕率爾次韻

藥裹經心鬢早華  
隨人蹀躞御溝涯  
塵中何處尋春色  
昨夢山堂幾樹花

三春不雨百花愁  
韋曲藍田滿眼秋  
此日江城芳樹裏  
敬亭深翠滿樓頭

松屋雲多觸手披  
花溪捲幔讀書時  
一官垂老不歸去  
送盡春光却恨誰

偶同王侍讀弘行菴看海棠卽次王韻

頻年春事屬誰家  
送客青門日又斜  
爛熳相逢禁不得  
憑闌深坐半樓花

把酒聽鶯計已遲  
花宮錦樹自垂垂  
飽看三十年前事

愚山先生詩集

卷五十七言絕

八

猶記韋公寺裏時

老年不許重關情  
遮莫韶光過帝城  
何事東風太無賴  
幾人春恨此中生

干戈休憶蜀川紅  
攜手猶憐一笑同  
腸斷山園餘老樹  
叢枝冷亞石闌東

荅梅子翔淵公見懷用王阮亭侍讀韻

東山詩伴久寥寥  
愁思春江帶雨潮  
忽報梅花來驛使  
南飛客夢落雙橋

絕唱連篇又手成  
懷人長嘯氣縱橫  
東風爲爾吹惆悵  
重引鄉心滿薊城

論文坐對北山時  
草閣平臨宛水湄  
自笑生涯詩卷在

邇來累月少新詩

柏枧東溪無限春  
山花相勸酒千巡  
舊時猿鶴應嘲我  
近許何人更結鄰

寄題王漢侯暢心閣

檻水蘭橈憶舊遊  
龍湫天姥傍層樓  
主人愛客餘豪典  
誰共開襟在上頭

朝飛雲霧暮飛霞  
浦榭山齋次第花  
正是永和觴詠處  
蘭亭終古屬君家

題宋牧仲雙江唱和集

坡公游處路重經  
訝許詩人共客亭  
畱得官橋長好在

使星曾伴少微星

君嘗于使院池上構小橋以待魏和公

愚山先生詩集

卷五十七言絕

九

荔子桑花勸客杯  
匡雲東送片帆回  
鬱孤臺畔休回首  
早捲雙江雪浪來

王阮亭宋牧仲謝方山諸公偶集寓齋適高侍郎

念東先生至卽席見贈口號漫和紀典

陋巷何當駐兩驂  
却憐嵇阮共清談  
先生自帶一壺酒

不待傾杯已半酣

公嗜苦酒故自取家釀一壺

盤中惟有露葵羹  
慚被高賢說大烹  
衝口詩成杯在手

清歡那復問侯鯖

奉訓高念東侍郎餉新橋用韻

洞庭嘉實碧雲籠  
入手香生滿院風  
安得容身如盎大

此中長作對碁翁



攜來十月正烟霜料理呼勿伴蟹嘗縱使酸寒吾意足  
故鄉一物九迴腸

得姬人珠淵寄詩憐而和之

少難離別老何堪錦字傳來淚一函莫爲天寒愁北客  
夢中夜夜在江南

附珠淵詩 雨滴梧桐秋不堪憶君誰共接清談老  
天如識妾心苦北地風霜盡入南

同館汪鈍翁編修假歸

悠悠相聚別相憐不淺論文二十年頭白何時重執手  
忽驚雙淚落君前

閉門高枕謝公卿史筆紛綸數卷成特報 主恩臣力

竭江臯天放踏歌行

愚山先生詩集 卷五十一 七言絕

金門典嬾夢雲沙襪被風輕二月槎如殺長年相約定  
到時猶及牡丹花

堯峰別自五湖東竹徑茅堂畫舫通雲豁逢迎猿鶴喜  
少微星果照吳中

送高少司寇念東先生歸淄川

朝辭闕下暮山隈襪被行歌酒一杯莫道先生歸去晚  
十年前已乞身來

東山再起志多違纔應徵書又拂衣喜脫朝簪官好在

白頭猶荷主恩歸

晨趨閭闔每愁遲又手官曹自詠詩此後閒吟高枕得  
山青雲白捲簾時

中書廿四考何如把卷松根爛醉餘仙佛高談長在口  
那知戴笠與乘車

齋厨滋味止齏鹽此日歸裝轉不廉虎穴鳳毛來萬里

無官有子一時兼公家君官黔中阻亂九年矣至是適歸

星軺見說登衡岳芒屨重看過岱宗海畔羣山青滿眼

杖藜咲指兩三峰

溜水盈盈傍錦湖春來桃李覆菰蒲花前野酌容誰伴

覓得香山九老無

詩篇別是高常侍懷抱應同陶隱居來歲春風剛七十

歸田餘興著何書

附元唱 詞人大雅是吾師莫笑金門曼倩飢我較昔賢歸較好青門無此送行詩 吟壘韓孟策奇動

愚山先生詩集卷五十七言絕

十一

刻獨題詩曉編開它日相思何處好泰山雲接敬亭雲 講堂驪曠一時新白鷺青原泗水濱四百年來吾道在魯齊今現再來身

### 送蔣波澄

西陵詞客共招邀三徑無端歸夢遙倘憶黃金臺畔路

濯纓應愛浙江潮

十年音驛斷金沙學士門前有暮鴉調虎在日憐君君

念舊懸知問訊一停桡

### 哭茆一峰

哭君淚盡不勝情往事淒涼過半生纔入金門又泉路

天風都作斷腸聲

蕭蕭歸櫂冷斜陽藥裹詩留字幾行最是哀榮獨絕處



一時館閣盡沾裳

時朝列諸鉅公同年贈賻者百餘人

臚唱聯翩競一時霜風先折好花枝歸魂倘認家鄉好  
多在潯溪宛水湄

放榜後知湯潛菴王蓼航朱牧仲三君之子並見

遺悵然志憾

長就珊瑚鐵網遺詎迷五色數偏奇它年騰達非難事  
腸斷知交欲淚垂

口號索黃祥符河魴

縮項槎頭風味長詩人雅詠美河魴黃花勸酒思魚膾  
好問漁翁索一嘗

到家題壁

愚山先生詩集

卷五十七言絕

七

漫誇金馬玉堂身依舊相如四壁貧垂老承恩真忝

竊誰畱鴻筆照千春

三年竊祿滯燕關衮衮長思林壑間昨日南歸今北發  
含情一望敬亭山

戲示徐姬

姬人徐氏珠淵小字善懷江都人也初畧識字

不欲令作詩間竊誦余作亦能爲五七言句子

善病嘗累月宿別館相值如客都無怨色生一

女孀不復乳余憫而遣之輒以死誓藥餌飲饌

必手治以進事余廿餘年矣子應召改官南人

臥不習炕衰體不溫旣而老妻遣送來侍固止

之不得曰聊以煖老於是暑則昇榻寒則同衾  
牀第之間逸若千里而柔謹有加曰君好自愛  
妾得爲侍書女史足矣性厭葷血強半清齋家  
居或薄飲數杯旣來京邸食貧間三五夕不沾  
酒茗飲歡然予不爲太常之齋禁難遣白傅之  
楊枝未盡忘情笑示二詩

敢言天女伴維摩忍背春風奈若何倘似朝霞隨玉局  
頻年活計藥爐多

偷鈔詩句上羅中甘擲紅顏逐老身猶勝經年一相見

隔河牛女可憐人

附徐姬春日望北信作九千春歸感歎生黃梅時  
節乍陰晴香閣有淚無人見且倚闌干聽鳥聲

愚山先生詩集卷五十七言經

三

庶祖母徐孺人生而端雅淑慎事先大父始終一循  
乎禮其侍疾割股一節尤堪感泣先大父纂修明史  
積勞四載遂至成疾於癸亥三月疾大作孺人時從  
侍即舍飲食藥累手爲調奉每夜必潛自燃香籲天  
願以身代如是者匝月疾愈始孺人自念曰豈天故  
不墜孺人於夜分時也蠅小婢持燭至神前默祝哀禱  
素著孺人於夜分時也蠅小婢持燭至神前默祝哀禱  
者久之出到刀割左股寸許小婢在旁驚視惟見神  
厨內諸像森森欲動簷櫺及嚙角四週亦若有人林  
立俯視家人外舍巡宿者遙聯悉如是孺人昏仆於  
地恍聞神語曰汝之誠虔已至但數不可易吾當爲  
汝假百日期可耳勿過自苦孺人乃嗚咽驚寤退舍  
以所割和羹進而人固弗知也是爲四月初二夜自  
是先大父疾漸瘳且強健如平日人皆爲之稱慶孺  
人頓隱憂不釋恐神語其驗也閏六月耳鳴呼痛異  
哉始家人弗覺嗣小婢亦稍稍語人或詢之孺人孺  
人惟漫以應之嫌自張也喋切孤蒙孺人思有凡朝  
夕居處悉隨孺人一日從外塾問客頌茲事歸遂詳  
叩所以且固請之孺人欲不語良久乃摩挲頂泫然  
流涕曰汝孺人奈何必欲如此願吾不磨汝諱也爰  
屏左右詳詔如前且出示左股創痕宛然復持珠大



物造今追憶之共情事猶歷歷在目真為妻絕一時也天不我侑孺人於歲丁卯方稱四十篤遺棄環長逝嗚呼痛哉孺人於先大父事之竭誠盡禮而環于孺人無毫髮報稱抱恨寧有涯乎孺人故精文墨吟咏甚多原稿環皆謹藏篋衍編次成帙行乞當代大賢弘筆序以授梓今集中附載者不過吉光片羽耳不肖孫環收淚謹識

### 傾蓋亭

行經河甸復江津望古長思共語人多少高車空接軫  
昔人傾蓋已千春

舊蹟茫茫古道隅交歡脫贈道難孤如何永日高談處  
傳記當年片語無

### 題趙水星西湖小照

湖堤風柳夏泠泠誰臥滄洲是客星斗酒載將雙屐去

愚山先生詩集

卷五十七

絕句

蘭舟恰對兩峰青

憑陵曾踏丈人峰攜興閒聽天竺鐘竹塢松亭烟雨外  
不知若箇得相逢

張苟仲前輩書來末附二絕句率爾奉荅

越水燕山萬疊雲十年華髮恨離羣長安書札堆盈案  
一紙魂銷獨爲君

夢中曾共坐招提老去何能手重攜兩地相思無斷絕  
三生舊路未應迷

### 題徐大中丞小照

隱囊烏几坐題詩軾轍郊祁又一時廿四中書書上考  
何如天壤大名垂

對客風流四坐春批鱗憂國不謀身誰知抗疏回天手  
依舊焚香把卷人

直筆沉埋董史餘龍門去後復何如多公伯仲稱能事

寸管重縉七畧書監修明史令伯兄先生又為總裁

社稷臣如汲黯難風儀麟鳳立雲端安危久繫中朝望

圖畫應傳四裔看史稱契丹使至望見文彥博立于朝門却立改容曰此潞公邪真天神也

漫題茅于純冊

烏程堪作醉鄉侯底事長安汗漫游歸去擁書高枕得

花溪舊有白華樓

客游終勝宦游閒別後重開冰雪顏畱得文章嗣家學

好傳姓字滿人間

愚山先生詩集

卷五十七言絕

五

為韓醉白題修禊圖

千載何人復右軍蘭亭曲水恨空聞祇疑修禊當年客

尚有遺民恰是君

病中答博問亭

長眠一月竟沉淪腸斷親交問省頻欲報主恩心未

死九原今有再生人

病中憶卜葬處口占

生前叔父細商量山似梅花谷可藏但得幽魂相接近

年年麥飯野花香

蕭巖茂也己  
刀端亭輝亦

施愚山先生學餘詩集卷之五十終



予少孤失學十歲始入鄉塾顧時時竊好爲詩家世父  
慮有妨舉業恒禁切之愚山先生鄉先達以文章行誼  
名海內一見亟稱賞引爲忘年交有作輒以視予卽于  
役千里外緘封往復相可否如面談或質以所業一字  
未安亦必攻摘其瑕循循善誘改而後已夫是以服習  
先生者歷久而皆不能忘也性故矜慎文詞流布在人  
口猶數數更易觀察金公長真酷好其詩以屬稿未定  
爲刻數卷而止先生歿三十年墓木且拱今通政棟亭  
曹公追念舊游懼遺文之就湮也寓書於其孤舉學餘  
全集授諸梓經始於丁亥五月又館其孫琛於金陵事  
暨校戊子九月刻垂竣而予適至覆閱諸寫本默識向  
愚山先生集

梅跋

一

時塗乙處窺先生用意之所存蓋不欲蹈時趨競俗艷  
審音按節一澤於古而纏綿肫復之情往往流溢行墨  
間後世讀其書彷彿其生平所謂仁義之人其言藹如  
也歲戊午先生以鴻博徵改官翰林時通政公方弱冠  
稱詩有寒山見遠人之句先生嘗吟諷不去口庸詎知  
傳先生於身後者卽疇昔嗟異之人而予顧偃蹇無聞  
負垂髫國士之知僅以荒言綴末簡爲足悲也戊子霜  
降後一日同里後學梅庚撰於長干精舍



右先大父文集二十八卷古今體詩五十卷是爲學餘  
全集嗟乎非我 棟亭曹公茲集終沉篋衍其得易言  
流傳耶先是觀察金公長真伯祖中丞公研山疑其版  
行先大父皆力辭之蓋謙懷若谷精益求精不欲輕爲  
殺青宦游數十年清白自矢所在政績卓然迄無長物  
晚年以博學宏詞奉 詔輦下纂修明史殫心瘁力寒  
暑無間越四載以疾卒於官時璉甫十齡先君子忍澗  
府君哀毀骨立遂致不起璉兄弟孤露玲峴家叔父饑  
驅四出遺集藏棄者二十餘年私心負疚飲痛何極乃  
承我公念舊情摯思斯集之就湮時向吾泖梅雪坪先  
生深致惋惜客春屬秋浦曹恒齋內翰徵集於璉璉率  
書後

弟璉奉書謁公真州公展卷循諷沈瀾被面力捐清俸  
授之開雕不以璉不肖命校勘字畫以董厥成嗟乎序  
子美之文於身後傳玉巖之集於旣沒昔賢高義炳耀  
千春不圖今日重見我先大父地下戴明賜矣况爲  
其後者耶外擬明史一冊計五卷并它所纂述俱存以  
有待云戊子重九日孫男璉拜手敬識



07222





